

Sarajevski otvoreni centar u saradnji sa Fondacijom Konrad Adenauer objavljuje slijedeći

Call for Papers - Poziv sa slanje naučnih radova

za zbornik radova i projekt umrežavanja mladih bh. istraživača/ica pod nazivom **Uvod u politički sistem Bosne i Hercegovine – izabrani aspekti**. Cilj ovog projekta jeste izdavanje prve uvodne politološke publikacije o političkom sistemu Bosne i Hercegovine. Projekt ujedno treba služiti jačanju i potpori mladim bh. istraživačima/cama, time što im daje mogućnost publiciranja i usavršavanja u oblasti metodologije naučnog i politološkog rada, te otvara put stvaranje mreže (*networking*) mladih bh. istraživača/ica u polju društvenih/politoloških nauka.

Ko može aplicirati?

Poziv je upućen studentima/kinjama koji/e studiraju društvene nauke na bh. visokoškolskim ustanova na osnovnim, postdiplomskim ili doktorskim studijama. Učestovati mogu i mladi istraživači/ice koji su već završili/e osnovne i/ili postdiplomske studije a imaju skolonosti prema naučno-istraživačkom radu. Podržavamo i aplikacije studenata/kinja koji/e studiraju u inostranstvu, a porijeklom su iz Bosne i Hercegovine. Naročito ohrabrujemo aplikiranje mladih bh. znanstvenica i autora/kinja koji dolaze iz manjih bh. univerzitetskih centara.

Predlažemo slijedeće teme za apliciranje:

Tematske oblasti

Teme

Osnove

- 1) Priroda političkog sistema BiH; 2) Dejtonski mirovni sporazum;
- 3) Ustav BiH; 4) Ljudska prava u kontekstu političkog sistema;
- 5) Položaj nacionalnih manjina u političkom sistemu;
- 6) Društveni aspekti političkog sistema BiH

Institucionalni sistemi

- 7) Zakonodavna vlast: Parlamentarna skupština BiH;
- 8) Vijeće/Savjet ministara BiH; 9) Predsjedništvo BiH;
- 10) Zakonodavstvo u BiH; 11) Pravosudni sistem BiH;
- 12) Političke stranke/partije; 13) Interesne zajednice;
- 14) Mediji; 15) Izbori i izborni sistem

Teritorijalno - politička organizacija BiH

- 16) Brčko Distrikt; 17) Federacija BiH;
- 18) Republika Srpska; 19) Lokalna politika i samouprava

Bosna i Hercegovina u međunarodnom kontekstu

- 20) BiH i proces evropskih integracija;
- 21) Vanjska politika i međunarodni odnosi;
- 22) Međunarodne organizacije u Bosni i Hercegovini

Radovi se dostavljaju na bosanskom, hrvatskom ili srpskom jeziku u vidu nacrt/a/exposéa (format A4, dvije stranice) na jednu od gore navedenih tema. Nacrt treba da sadrži strukturu i metodologiju rada i način istraživanja. Pri odabiru obratiće se pažnja na ravnomjernu regionalnu zastupljenost. *Nacrt*, zajedno sa *prijavnim-formularom* koji možete pronaći na www.soc.ba/projekti, kao i pitanja u vezi projekta možete slati putem e-maila na: damir@soc.ba i sasa@soc.ba.

Rok za slanje radova je **15.05.2008. godine.**

Na osnovu pristiglih nacrt/a radova, Urednički tim i Savjetodavni odbor će odabrati 16 mladih istraživača/ica, koji/e će učestvovati na ovom istraživačkom projektu. Izabrani učesnici/ce će učestvovati na dvodnevnom seminaru u okviru kojeg će biti prezentovane upute u pogledu pisanja i metodologije rada.

Projekt će takođe biti prezentovan na **javnim promocijama**: 19.3. u Sarajevu, 4.4. u Mostaru i 11.4. u Banjaluci. Mjesto i vrijeme će biti naknadno određeno i objavljeno na www.soc.ba/projekti, gdje možete pronaći i više informacija o samom Pozivu za slanje naučnih radova.

Sarajevski otvoreni centar je nevladina organizacija čiji je cilj podsticanje, vođenje, razvijanje i organizovanje raznolikih oblika okupljanja i zajedničkog rada stručnjaka/inja, naučnika/ica i umjetnika/ca kroz seminare, okrugle stolove, debate, konferencije, radionice, studentske programe i druge aktivnosti u različitim poljima društvenih nauka, kulture i umjetnosti, te osposobljavanje istraživača/ica u različitim poljima društvenog života radi zasnivanja i vođenja istraživačkih i graditeljskih projekata. Saznaj više: www.soc.ba.

Fondacija Konrad Adenauer je njemačka politička fondacija čiji osnovni ciljevi djelovanja su: 1. funkcionalne političke stranke u parlamentarnoj demokratiji, 2. integracija Bosne i Hercegovine u Evropsku uniju, 3. savladavanje prošlosti i pomirenje. Ove ciljeve fondacija realizuje kroz organizovanje seminara, okruglih stolova, konferencija, savjetovanja, političkih dijaloga-programa, stručnih i političkih razgovora, te posjeta zemljama u regiji, Njemačkoj i evropskim institucijama u saradnji sa domaćim i međunarodnim partnerima. Saznaj više na: www.kas.de/sarajevo.

Prijavni formular

<i>Ime i prezime</i>	
<i>Adresa</i>	
<i>E-Mail</i>	
<i>Telefon/Fax</i>	
<i>Stečeno obrazovanje</i>	
<i>Institucija (studij/rad)</i>	
<i>Funkcija</i>	
<i>Naslov priloga za koji aplicirate</i>	
<i>Biografija (obrazovanje, radno iskustvo itd.)</i>	
<i>Najvažnije objavljeni radovi (u slučaju da ste objavljivali)</i>	